



# RIGHT SIDE

HUMAN RIGHTS DEFENDER NGO

ԱՏԵԼՈՒԹՅԱՆ ԽՈՍՔԻ  
ՄՇՏԱԴԻՏԱՐԿՈՒՄ

2019

«ԻՐԱՎՈՒՆՔԻ ԿՈՂՄ»  
ԻՐԱՎԱՊԱՇՏՊԱՆ ՀԿ

«Խոսքի ազատությունը չի արդարացնում աստվածության որևէ դրսևորում: Չէ՞ որ բառերն ուժ ունեն. զգուշացե՛ք, եթե նույնիսկ մարդիկ ներում են: Մի՛ թողեք ցավոտ ժառանգություն և սիստասանքի մի ողջ կյանք: Դժբախտաբար, սոցիալական տգիտության սպառնալից հիվանդությունից հոգին պաշտպանելու և վիրավորանքը մեղմելու դեղամիջոցներ չկան, մի՛ ստիպեք մարդկանց մոռանալ՝ ինչպես սպրել»:

Լ. Մարտիրոսյան  
«Իրավունքի կողմ» Իրավասպաշտպան ՀԿ նախագահ

Lilit Martirosyan  


# Բովանդակություն

Նախաբան	4
Իրավական դաշտի վերլուծություն	6
Մեթոդաբանություն	8
Ատելության խոսք, վիրավորանք և վտանգավոր խոսք	9
Ատելության դրսևորումների փաստագրված օրինակներ	10
Առավել հաճախ օգտագործվող բառեր	12
Դիտարկման արդյունքներ	13



## Նախաբան

Հաշվի առնելով Հայաստանի Հանրապետությունում վերջին տարիների ընթացքում տեղի ունեցող արագընթաց փոփոխությունները և հասարակության լայն շերտերի արձագանքները այդ փոփոխություններին՝ «Իրավունքի կողմ» իրավապաշտպան ՀԿ-ն նախաձեռնել է մշտադիտարկում ատելության խոսքի և վիրավորանքի վերաբերյալ:

Մյուս կողմից, հաշվի առնելով նաև հասարակությունում սրված դիրքորոշումները տրանսգենդեր անձանց իրավունքների և գոյության վերաբերյալ, սույն մշտադիտարկման առարկա են հանդիսացել խորհրդարանական և արտախորհրդարանական կուսակցությունների ներկայացուցիչների, հանրային կարծիք ձևավորող անձանց և առացանց մամուլում տեղ գտած ատելության խոսքն ու վիրավորական արտահայտությունները տրանսգենդեր և LԳԲ համայնքի հասցեին:

Ատելության խոսքի հիմքում սովորաբար ընկած է խտրականությունը, որի հետևանքով մարդկանց խմբերը պիտակավորում են՝ ելնելով վերջիններիս կենսակերպից, սեռական կողմնորոշումից կամ գենդերային ինքնությունից, կրոնից, լեզվից, ֆիզիկական հատկանիշներից, գաղափարախոսությունից և այլ առանձնահատկություններից, և դառնում ատելության, ծաղրի և արհամարհանքի առարկա: Այսպիսով, ատելության խոսքը հանդիսանում է խտրականության գաղափարախոսական և հոգեբանական հիմք՝ նպաստելով նմանատիպ պատկերացումների ամրապնդմանը հաստատությունների, քաղաքական գործիչների, հանրային կարծիք ձևավորող անձանց և առանձին անհատների պահվածքում, որը կարող է հանգեցնել խտրականությամբ պայմանավորված գործողությունների:

Վիրավորանքը խոսքի, պատկերի, ձայնի, նշանի կամ այլ միջոցով պատիվը, արժանապատվությունը կամ գործարար համբավը արատավորելու նպատակով կատարված հրապարակային արտահայտությունն է:

«Տրանսգենդեր» բառն ընդհանուր եզրույթ է այն մարդկանց համար, ում գենդերային ինքնարտահայտումը և/կամ ինքնությունը չի համապատասխանում ծննդյան պահին տրված սեռին:

Գենդերային ինքնությունը վերաբերում է անձի ներքին զգացմունքին, այսինքն, թե որ սեռի հետ է ասոցացնում տվյալ անձն իրեն (տղամարդ, կին կամ կին ու տղամարդ միևնույն ժամանակ, կամ գուցե ոչ կին, և ոչ տղամարդ), մինչդեռ գենդերային ինքնարտահայտումն այն ձևն է, որով անձն արտահայտում է իր գենդերային ինքնությունը՝ վարքի, հագուստի ձևի, սանրվածքի, ձայնի, մարմնի կամ այլ հատկանիշներով:

«Տրանս» եզրույթը երբեմն օգտագործվում է որպես «տրանսգենդեր» բառի կրճատում: Չնայած «տրանսգենդեր» տերմինը ընդհանրացված է՝ այն չի վերաբերում բոլոր այն անձանց, ում գենդերային ինքնարտահայտումը չի համապատասխանում հասարակության կողմից ընդունված «կանացի» կամ «արական» նորմերին:

Կարևոր է հիշել՝ ոչ բոլոր տրանսգենդեր անձինք են սեռափոխված կամ ցանկանում սեռափոխվել, և մարդու արտաքինից միայն չի կարելի որոշել մարդու գենդերային ինքնությունը:

Հայաստանի Հանրապետությունը՝ հանդիսանալով Մարդու իրավունքների Եվրոպական կոնվենցիայի անդամ պետություն, վավերացրել է ՄԱԿ-ի Ռասայական խտրականության բոլոր ձևերի վերացման մասին կոնվենցիան և ստանձնել է որոշակի միջազգային պարտավորություններ, որոնց իրականացման վերաբերյալ միջազգային մարմիններին պարբերաբար ներկայացվում են համապատասխան զեկույցներ: Այդ զեկույցներում առավել հաճախ նշվում է, որ Հայաստանում ատելության խոսքի դրսևորումներ չեն լինում:

Այդուհանդերձ, «Իրավունքի կողմ» իրավապաշտպան ՀԿ-ի կողմից իրականացվող առցանց մամուլի, քաղաքական գործիչների և հանրային կարծիք ձևավորող անձանց գործունեության ընթացիկ դիտարկումը ցույց է տալիս, որ իրական պատկերն այլ է, և առկա համակարգային խնդիրների պատճառով չեն գործում ատելության խոսքի վերաբերյալ տվյալների հավաքագրման և երևույթի կանխարգելման արդյունավետ մեխանիզմներ: Համակարգային խնդիրներից է նաև այն, որ ատելության խոսքի ներպետական իրավական կարգավորումները և արգելքները բնույթով սահմանափակ են, արդյունավետ չեն կամ որոշ դեպքերում բացակայում են:



# Իրավական դաշտի վերլուծություն

Ատելության խոսքի առավել ընդգրկուն ձևակերպումը տրված է Եվրոպայի խորհրդի Նախարարների կոմիտեի թիվ R (97) 20 հանձնարարականում: Ըստ հանձնարարականի՝ «Ատելության խոսք եզրույթը պարունակում է խոսքի դրսևորման բոլոր այն ձևերը, որոնք տարածում, հրահրում, խթանում կամ արդարացնում են ռասայական ատելությունը, այլատյացությունը, հակասեմականությունը կամ ատելության այլ ձևերը, որոնք հիմնված են անհանդուրժողականության վրա, ներառյալ՝ ագրեսիվ ազգայնականությունը, ցեղակենտրոնությամբ արտահայտված անհանդուրժողականությունը և ընդդեմ փոքրամասնությունների, միգրանտների և ներգաղթյալ անձանց նկատմամբ թշնամանքը և խտրականությունը»<sup>1</sup>: Հանձնարարականի 1-ին սկզբունքում անդրադարձ է կատարվում պետական պաշտոնյաներին՝ նշելով, որ «անդամ պետությունների կառավարությունները, ազգային, տարածքային և տեղական մակարդակի հանրային իշխանությունները, հանրային հաստատությունները, ինչպես նաև պաշտոնատար անձինք ունեն հատուկ պարտականություն ձեռնպահ մնալ այնպիսի հայտարարություններից, մասնավորապես՝ լրատվամիջոցներին, որոնք խելամտորեն կարող են ընկալվել որպես ատելության խոսք, կամ այնպիսի խոսք, որը հավանական է ստեղծի ռասայական ատելությունը, այլատյացությունը, հակասեմականությունը կամ խտրականության այլ ձևերը կամ անհանդուրժողականության վրա հիմնված ատելության տարածումը կամ հրահրումը օրինականացնող ազդեցություն»<sup>2</sup>:

ՀՀ Սահմանադրության 29-րդ հոդվածը սահմանում է խտրականության արգելքը՝ կախված սեռից, ռասայից, մաշկի գույնից, էթնիկ կամ սոցիալական ծագումից, գենետիկական հատկանիշներից, լեզվից, կրոնից, աշխարհայացքից, քաղաքական կամ այլ հայացքներից, ազգային փոքրամասնության պատկանելությունից, գույքային վիճակից, ծնունդից, հաշմանդամությունից, տարիքից կամ անձնական կամ սոցիալական բնույթի այլ հանգամանքներից: Նշված հոդվածի ձևակերպումից բխում է, որ պաշտպանվող հատկանիշների ցանկը սպառնիչ չէ և չհիշատակված հատկանիշները կարող են ներառված լինել «անձնական կամ սոցիալական բնույթի այլ հանգամանքներում»: Միաժամանակ, ՀՀ դատական օրենսգրքի 6-րդ հոդվածը սահմանում է, որ «արդարադատություն իրականացնելիս հիմնական իրավունքների և ազատությունների վերաբերյալ Սահմանադրությունում ամրագրված դրույթները մեկնաբանելիս հաշվի է առնվում Հայաստանի Հանրապետության վավերացրած՝ մարդու իրավունքների վերաբերյալ միջազգային պայմանագրերի հիման վրա գործող մարմինների պրակտիկան»:

Հարկ է նշել, որ թեև ատելության խոսքը ՀՀ քրեական օրենսգրքով նախատեսված չէ որպես հանցագործության տեսակ, օրենսգրքի 226-րդ հոդվածը նախատեսում է քրեական պատասխանատվություն ազգային, ռասայական կամ կրոնական թշնամանք հարուցելու համար, որը կարող է դրսևորվել նաև ռասայական գերազանցությանը կամ ազգային արժանապատվությունը նվաստացնելուն ուղղված գործողություններով: Սա նշանակում է նաև, որ նշված հատկանիշներից բացի (ազգային, ռասայական կամ կրոնական թշնամանք), այլ հատկանիշների հիմքով թշնամանք հարուցելը չի համարվում հանցագործություն՝ ելնելով օրենսգրքի տրամաբանությունից<sup>3</sup>: Նույնը վերաբերում է օրենսգրքի ընդհանուր մասով նախատեսված քրեական պատասխանատվությունը և պատիժը ծանրացնող հանգամանքներին, որտեղ ընդգրկված է վերոնշյալ հատկանիշներով պայմանավորված մոլեռանդությամբ հանցանքի կատարումը<sup>4</sup>:

Ուսումնասիրության արդյունքները ցույց են տվել, որ առավել հաճախ հանդիպող ատելության խոսքի դրսևորումներից է անձի սեռական կողմնորոշման և գենդերային ինքնության վերաբերյալ խոսքը: Թեև սեռական կողմնորոշումը ներպետական օրենսդրությամբ ուղղակիորեն չի հանդիսանում պաշտպանվող հատկանիշ, վերջինիս վրա հիմնված խտրականությունը Մարդու իրավունքների եվրոպական դատարանի կողմից համարվել է նույնքան լուրջ, որքան ռասայական, ծագման կամ մաշկի գույնի վրա հիմնված խտրականությունը<sup>5</sup>: Միաժամանակ ԵԽԽՎ-ի 2008 թ. թիվ 1805 հանձնարարականում առաջարկվում է պատժամիջոցներ նախատեսել այն արտահայտությունների համար, որոնք կոչ են անում անձին կամ անձանց խմբին ատելության, խտրականության կամ բռնության առարկա դարձնել՝ կապված նրանց կրոնական կամ այլ հատկանիշների հետ<sup>6</sup>:

1 Տե՛ս Եվրոպայի խորհրդի նախարարների կոմիտեի թիվ R (97) 20 հանձնարարականը, <https://rm.coe.int/1680505d5b>.

2 Տե՛ս նույն տեղում:

3 Ըստ ՀՀ քրեական օրենսգրքի 18-րդ հոդվածի՝ «Հանցագործություն է համարվում մեղավորությամբ կատարված՝ հանրության համար վտանգավոր այն արարքը, որը նախատեսված է սույն օրենսգրքով»:

4 Տե՛ս ՀՀ քրեական օրենսգրքի 63-րդ հոդվածը:

5 Տե՛ս Vejdeland and Others v. Sweden գործը (դիմում թիվ 1813/07)

6 Տե՛ս ԵԽԽՎ 2008թ. թիվ 1805 հանձնարարականը,

[http://www.assembly.coe.int/nw/xml/XRef/XrefXML2HTMLen.aspfileid=17569&lang=en&fbclid=IwAR2DL\\_AMSMVPG2nLVXm\\_a4AsmEuRdf1gpDya4rDpoB J5ZN7AkFr2GPqZ psU](http://www.assembly.coe.int/nw/xml/XRef/XrefXML2HTMLen.aspfileid=17569&lang=en&fbclid=IwAR2DL_AMSMVPG2nLVXm_a4AsmEuRdf1gpDya4rDpoB J5ZN7AkFr2GPqZ psU).



# Մեթոդաբանությունը

ԶԼՄ-ների ընտրությունը կատարվել է հաշվի առնելով ընթերցողների կամ հեռուստադիտողների շրջանում տարածվածությունը (սփռումը), ինչպես նաև նախնական դիտարկման արդյունքում ատելության խոսքի դրսևորման դեպքերի արձանագրումը առանձին լրատվամիջոցների հրապարակումներում: Առցանց աղբյուրների դիտարկումն իրականացվել է նաև որոնման համակարգերի միջոցով՝ օգտագործելով բանալի բառեր: Սոցիալական ցանցերում ներկայացված հանրային կարծիք ձևավորող անձանց դիտարկման նպատակով ընտրությունը կատարվել է՝ հիմնվելով ԶԼՄ-ներում վերջիններիս հրապարակումներին կատարված հղումների քանակի վրա՝ նախնական ուսումնասիրության արդյունքում: Դիտարկման արդյունքների արձանագրման համար մշակվել է ձևաթուղթ, որում լրացվել և նկարագրվել են դիտարկված դեպքերը ըստ աղբյուրների, հեղինակի կամ մեջբերման և ըստ թիրախավորվող խմբերի կամ հատկանիշի: Ամփոփման ընթացքում արձանագրված դեպքերը դասակարգվել են մի քանի տեսակի՝ «ատելության խոսք», «վտանգավոր խոսք» և «վիրավորանք»:



# Ատելություն խոսք, վիրավորանք և վտանգավոր խոսք

Ելնելով Եվրոպայի խորհրդի նախարարների կոմիտեի թիվ R (97) 20 Հանձնարարականում տրված ձևակերպումից, որպեսզի արտահայտված խոսքը համարվի ատելության խոսքի դրսևորում, այն պետք է՝

- տարածի, հրահրի, խթանի կամ արդարացնի ատելության ձևերը, և
- ատելությունը պետք է հիմնված լինի անհանդուրժողականության վրա:

Ուսումնասիրության ընթացքում ենթադրյալ ատելության խոսքի դրսևորման դեպքերը համադրվել են վերոնշյալ երկու չափանիշների հետ՝ դասակարգման նպատակով: Նշված չափանիշները վերաբերում են ատելության խոսքի բոլոր դրսևորումներին՝ անկախ հեղինակից կամ տարածողից: Այնուհանդերձ, հաշվի առնելով հանրային պաշտոնատար անձանց կողմից տարածվող հայտարարությունների առավել մեծ ազդեցությունը հանրային կարծիքի ձևավորման վրա, ինչպես նաև Հանձնարարականի 1-ին սկզբունքը, վերոնշյալ անձանց կողմից կատարված հայտարարություններն իրենց հերթին գնահատվել են հետևյալ չափանիշներով՝

- հայտարարությունն արվել է կառավարության, ազգային, տարածքային և տեղական մակարդակի հանրային իշխանության, հանրային հաստատության, ինչպես նաև պաշտոնատար անձանց կողմից, և
- հայտարարությունը խելամտորեն կարող է ընկալվել որպես ատելության խոսք:

Ուսումնասիրության ընթացքում արձանագրվել են մի շարք դեպքեր, երբ տարածված խոսքը, թեև պարունակել է խտրականության և ատելության տարրեր, այնուամենայնիվ ամբողջությամբ չի համապատասխանել ատելության խոսքի ձևակերպման չափանիշներին: Մի շարք հեղինակներ նշված դրսևորումներին անդրադառնում են որպես վնասակար<sup>7</sup>, վտանգավոր<sup>8</sup> կամ վիրավորական խոսք եզրույթով: Ըստ ձևակերպման՝ վտանգավոր խոսքը արտահայտության ցանկացած դրսևորումն է (օրինակ՝ խոսք, տեքստ կամ պատկեր), որը կարող է բարձրացնել լսարանի կողմից՝ այլ խմբի անդամների նկատմամբ բռնությունը խրախուսելու կամ գործադրելու ռիսկը<sup>9</sup>: Խոսքի վտանգավորության աստիճանի վրա ազդում են հետևյալ հինգ հանգամանքները<sup>10</sup>.

- բանախոսը
- լսարանը
- խոսքը
- սոցիալական և պատմական համատեքստը
- տարածման միջոցները:

Խոսքը դառնում է առավել վտանգավոր, երբ նշված չափանիշները ստանում են առավելագույն դրսևորում՝

- բանախոսը լսարանի վրա ունի բարձր աստիճանի ազդեցություն,
- լսարանն ունի դժգոհություններ կամ վախեր, որոնք կարող են ուժեղացվել բանախոսի կողմից,
- խոսքն ակնհայտորեն ընկալվում է որպես բռնության կոչ,
- սոցիալական և պատմական համատեքստը տարբեր պատճառներով նպաստավոր է բռնության համար,
- խոսքի տարածման միջոցներն ազդեցիկ են:

Խոսքը համարվում է վիրավորական, երբ այն պարունակում է՝

- խոսքի, պատկերի, ձայնի, նշանի կամ այլ միջոցով պատիվը, արժանապատվությունը կամ գործարար համբավը արատավորելու նպատակով կատարված հրապարակային արտահայտություն:

Այն դեպքերում, երբ տարածված խոսքը չի համապատասխանել ատելության խոսքի չափանիշներին, սակայն, այնուամենայնիվ, պարունակել է խտրականության և ատելության տարրեր, համադրվել է վտանգավոր խոսքի կամ վիրավորանքի վերը նշված չափանիշների հետ՝ դասակարգման նպատակով: Օրինակ՝ ՀՀ ԱԺ նախկին պատգամավոր, ՀՀԿ խմբակցության անդամ Էդուարդ Շարմազանովն իր ֆեյսբուքյան էջում գրառում էր կատարել, որտեղ նշել էր «Այո, բան ա փոխվել մեր երկրում. ՀՀԿ-ի օրոք տրանսգենդերը ԱԺ-ում ելույթ չէր ունենա, կրթության նախարարն էլ այլասերվածի չէր ընդունի, ԱԺ-ում նմաններին չէին ծափահարի, Վեհափառի վրա էլ չէին հարձակվի»:

Դրա համար էին «թավջիստները» ասում՝ բոբո ՀՀԿ-ն պետք է հեռանա: ՀՀԿ-ն ու դաշնակցությունը խանգարում էին պղծության քարոզին: Ասել եմ, ասում եմ՝ Հայաստանում նոր բաբելոնյան աշտարակաշինություն չի լինելու: Հայկը հաղթելու է Բելին»:

Տվյալ գրառման մեջ չկան սպառնալիքներ կամ ատելության խոսք, սակայն է. Շարմազանովը վիրավորել է տրանսգենդեր անձանց՝ անվանելով այլասերված:

7 "Harmful Speech Online project", Berkman Klein Center for Internet & Society, հղում՝ <https://cyber.harvard.edu/research/harmfulspeech>.

8 "Understanding hate and dangerous speech: a practical guide", 10.10.2018թ., Susan Benesch, Cathy Buerger, and Sean Manion, հղում՝ <https://dangerousspeech.org/understanding-hate-and-dangerous-speech-a-practical-guide/>.

9 Տե՛ս նույն տեղում:

10 «Dangerous Speech: A Proposal to Prevent Group Violence», Susan Benesch, 23.02.2013թ., հղում՝ <http://dangerousspeech.org/guidelines/>.

# Ատելություն դրսևորումների փաստագրված օրինակներ

Արժիվ 30 Արարատ մահապարտները մեծամասշտաբ պայքար են սկսում տրանսգենդերների դեմ

«Ցավում եմ, որ տրանսգենդերին Ազգային ժողովի բարձր ամբիոնի վրա չսատկացրեցին», գնդապետ



HAY.TEJLURER.PRO

Միլիցիայի հատուկ նշանակության ջոկատների վետերանների միության նախագահ, գնդապետ Գրիչա Սարգսյանին դուր չի գալիս ոչ համատարած մորուք պահելը, ոչ էլ համատեղման մասին ինչ-որ օրենքներ առաջ բաշելը:

«Եվրոպայից կարող ենք բերել այնպիսի արժեքներ, որոնք հարի են 33 մշակույթին և մեր ավանդույթներին: Ցավում եմ, որ համատեղման մարիիտանայի մասին ինչ-որ օրենքներ են բերում: Հասարակ օրինակ Չեչնիայի նախագահ Ռամզան Կարիբովը, երբ իրենց վատակալոր արիտիստիկ համազարգան հայրեն երգեց, որոշեց կոչումից զրկել կամ մահապատժի ենթարկել: Դրա համար նրանք այսօր պահպանում են իրենց ազգային ավանդույթները: Զիդրեն՝ այդ ամենը Հայաստան բերել, նույնիսկ ցավում եմ, որ այդ տրանսգենդերին Ազգային ժողովի բարձր ամբիոնի վրա չսատկացրեցին», լրագրողների հետ հանդիպման ժամանակ ասաց Գրիչա Սարգսյանը:

«Մի բան էլ ասեմ՝ թրաշ պահելը հարի է մուսուլմանական աշխարհին: Ներողություն եմ խնդրում, բայց Պյոտր Մաշինը չստիպված մարդկանց բռնում էր, սպիրում, նույնիսկ բանտ նստեցնում: Խորհուրդ եմ տալիս, որ այդ հակաբնիզնայից մաքրվեն ու մարդկային կերպարով հանրեց գան:

Հային հարի չէ նման կերպ երևալ հանրության մեջ, մատուցող աշխատել ու սնունդը դնել մարդկանց առջև:

Ներկա եմ եղել արձանաձևում, արտասահմանիցի հյուրեր էին, թրաշով մատուցող բերեց, որ մատուցի՝ ասացին՝ ո՞, ո՞, ո՞, սա գնաց, մի աղջիկ եկալ մատուցեց», հավելեց Միլիցիայի հատուկ նշանակության ջոկատների վետերանների միության նախագահը:




## Մահապարտները մեծամասշտաբ տրանսգենդերների դեմ — Hay.

44% 10:24

(amk) non-governmental... are.am



governmental organization... values holds a protection... Assembly building



Simon Martirosyan մտա մեկ ամիս առաջ

Հայաստանի հանրապետության վարչապետը, կողմ է տրանսգենդերի մասին ֆիզիկ նկարահանմանը և չստեղծումը համարում է խայտառակություն: Ես ուր ենք հասել ժողովուրդը 🙄🙄🙄  
Դա նորմալ է հ'ա, քստ իս չէ ու չի էլ կարող երբեք լինել նորմալ, քանի որ դա դեմ է մեր ազգի էթնիկ և քաղաքական արժեքաակարգին 🙄🙄🙄  
Ու դրա համար պետական քյուզիցից հատկացվելու է 20 միլիոն դրամ. պատկերացնում է՞ք



արում են դա կոռուպցիոն տաշտակից, լափամանից զրկ... չապետ Կելիլ Գաշինյանն այսօր ԱԾ-Կառավարություն հարցուպա...

Joxovurd ova uzum erekva transgenderi hascen asem

Կարմեն Դավթյան May 13

- Բա չիմացա՞
- Լիլիթ Ցուրիկի Մարտիրոսյանը
- Ա-խ'
- Չիմացա՞ ով է?
- Տրանսգենդերը
- Դասի է տվել irates-am-ին
- Առ այն, որ թերթն ու հասնուն կայքը՝
- իրեն անվանել են՝
- <<Ստորմական մեղի մեջ գտնվող>>
- <<Իժվար եր պատկերացնել, որ մեկ տարի առաջ ԱԾ ամբիոնից մեկը ելույթ ունենար ու հայտարարեր, որ ինքը տրանսգենդեր է, արվանդ կամ պլաստիկաների մեկ այլ ներկայացուցիչ>>
- եվ վերջապես՝ հետեյալ արտասահմանային համար
- <<Այլատերածի ելույթից հետո լավեցին ծախիք>>....
- Հ.Գ.
- Ա-խ.
- Չէ անեակայքը <<վեպի>> ավարտն է.
- Ցուրիկի՝ Լիլիթ Մարտիրոսյանը՝
- Թերթից պահանջում է
- 1 միլիոն դրամ...
- Հ.Գ.
- Բանը չեք ասի?
- Լիլիթից՝ Վաղինակ դասնալու համար՝
- Ինչքան գումար է պետք
- Գուցե՞ օգնեցե՞ք... իրը?..
- Հ.Գ.
- Բայց ին հարցը մարդուն իր պատկերին վերադանելը չէ միայն.
- Խնամազրկությունում խիստ <<մտահոգ>> ենք
- Ոնց բոլոր դեպքերում հանրամատչելի բացատրենք՝ Փաշինյանի բնորոշմանը՝ քաղաքացուն՝
- Ինչ է Սորոլը
- Այլատերածության եւ սերվածության տարբերությունը...
- Նա այդ առաջնայաբնի ուղտի ու մակնուլը
- Հ.Գ.
- Չէ, հողվածն ինը չէ.
- Բայց պետք է? պաշտպանել մարդու սերվածության իրավունքները...

#Սյր\_Գագր\_տրանսգենդերը\_մտալ #Ոստիկանություն\_ԱԾ\_դատարան



# Առվել հաճախ օգտագործվող բառեր

Ուսումնասիրության ընթացքում հաշվի է առնվել Հայաստանի պատմական-մշակութային համատեքստը Հայաստանում նախկինում կատարված ատելության խոսքի ատելության հիմքով հանցագործությունների վերաբերյալ ուսումնասիրություններում<sup>11</sup> հիշատակված ցուցիչ-բառերը՝ սեռական պատկանելության, գենդերային ինքնության սեռական կողմնորոշման համատեքստում:

Ներկա ուսումնասիրության ընթացքում վերհանված ցուցիչ-բառերով (ինչպիսիք են **համասեռամուլ, արվամուլ, այլասերված** և այլն) առավելապես ակնարկվել են թիրախավորված խմբերի սեռական կողմնորոշումը և գենդերային ինքնությունը:

Անձանց սեռական կողմնորոշման կամ գենդերային ինքնության հիմքով դիտարկված ատելության խոսքի դրսևորումներում հաճախ օգտագործվում են համասեռամուլ, արվամուլ և այլասերված բառերը, որոնք մի շարք բառարաններում ներկայացված են որպես ախտ, հիվանդություն, իսկ այլասերված բառը որպես փչացած, արժեզրկված, անբարոյական<sup>12</sup>: Հարկ է նշել, որ 1990 թ. Առողջապահության համաշխարհային կազմակերպությունը հիվանդությունների և առողջության հետ կապված խնդիրների միջազգային վիճակագրական դասակարգման 10-րդ վերանայման արդյունքում նույնասեռականությունը հանել է վերոնշյալ դասակարգումից<sup>13</sup>:

Նշված դասակարգումը 2005 թ. հաստատվել է ՀՀ առևտրի և տնտեսական զարգացման նախարարի կողմից<sup>14</sup>:

11 «Կրոնի ազատությունը Հայաստանում» ուսումնասիրություն, Երևան, 2010 թ., Հայաստանի հելսինկյան կոմիտե, <https://bit.ly/1iTeLAh>, «Ատելության խոսքի դրսևորումները հայաստանյան ԶԼՄ-ներում», 31.01.2014 թ., Խոսքի ազատության պաշտպանության կոմիտե, <https://bit.ly/2LAMYGv>, «Ատելության շարժառիթով հանցագործությունները Հայաստանի Հանրապետությունում», 24.03.2017 թ., Արա Ղազարյան, Ստեփան Դանիելյան, <https://bit.ly/2LE22De>:

12 Տե՛ս 13-րդ հղման մեջ նշված բառարանները:

13 <https://www.who.int/classifications/icd/factsheet/en/>

14 Տե՛ս ՀՀ ԱՏՁՆ 31.03.2005 թ. N 67-Ն հրամանը (ուժը կորցրած), <https://www.arlis.am/DocumentView.aspx?docid=18923>, ՀՀ էկոնոմիկայի նախարարի 19.09.2013 թ. N 871-Ն հրամանը (գործող), <https://www.arlis.am/DocumentView.aspx?docid=86263>:



# Դիտարկման արդյունքներ

Հարկ է նշել, որ հաշվետու ժամանակահատվածը համընկել է քաղաքական մի շարք զարգացումների, ներառյալ՝ Տրանսգենդեր կնոջ ԱԺ ելույթի, Ստամբուլյան կոնվենցիայի հանրային քննարկումների, Ռուբերտ Քոչարյանի ձերբակալման և մի շարք նախկին քաղաքական գործիչների ձերբակալումների հետ, ինչի պատճառով այս ընթացքում վերը նշված հատկանիշներով անձանց խմբերը դարձել են բազմաթիվ շահարկումների և քաղաքական վեճերի առարկա:

Ստորև ներկայացնում ենք 2019 թ. հունվար-դեկտեմբեր ամիսներին կատարված պիլոտային մշտադիտարկման արդյունքում արձանագրված ատելության և վիրավորանքի դրսևորումների վիճակագրությունը և օրինակներ:

Լրավամիջոցի անվանումը	Ատելության խոսքի դրսևորումների քանակը		Վտանգավոր խոսքի դրսևորումների քանակը		Վիրավորանքի դրսևորումների քանակը	
	Հեղինակային/ խմբակրական խոսք	Մեջբերում	Հեղինակային/ խմբակրական խոսք	Մեջբերում	Հեղինակային/ խմբակրական խոսք	Մեջբերում
«168.am»	0	1	1	5	0	2
«Երկիր»	0	4	0	3	0	3
«Իրավունք»	3	8	2	2	3	6
«News.am»	0	0	0	3	1	3
«Հրապարակ»	0	3	0	3	2	0
«Blognews.am»	0	0	0	3	0	5
«Analitik.am»	0	2	0	3	0	4
<b>Ընդամենը</b>	<b>3</b>	<b>17</b>	<b>3</b>	<b>22</b>	<b>6</b>	<b>23</b>



«Այո, բան ա փոխվել մեր երկրում. ԲՀԿ-ի օրոք տրանսգենդերը ԱԺ-ում ելույթ չէր ունենա, կրթության նախարարն էլ այլասերվածի չէր ընդունի, ԱԺ-ում նմաներին չէին ծափահարի, Վեհափառի վրա էլ չէին հարձակվի:

Դրա համար էին «թավջիտները» ասում՝ բոքո ԲՀԿ-ն պետք է հեռանա: ԲՀԿ-ն ու դաշնակցությունը խանգարում էին պղծության քարոզին:

Ասել եմ, ասում եմ՝ Զայաստանում նոր բաբելոնյան աշտարակաշինություն չի լինելու:

Զայկը հարթելու է Բելին»:



ՎԵՏՕ նախաձեռնության հիմնադիր Նարեկ Մալյանն օրերս իր Ֆեյսբուքյան էջում ահազանգել էր՝ Կուրայից Զայաստան են եկել ԶԻԱՅ-ով հիվանդ տրանսգենդերներ:

«Քանի որ մենք պետություն չունենք, ես տեղեկացնեմ ԲՀ քաղաքացիներին, որ Կուրայից ժամանած թվով 14 հատ տրանսգենդերները ԶԻԱՅ վարակակիրներ են: Սա պաշտոնական անդյուրներից ստացված տեղեկություն է, կարող եք տարածել:

Ընդհանուր առմամբ 16 հատ են, որից 14-ը՝ ԶԻԱՅ վարակակիր: Ընդ որում, նրանցից մեկն աշխատում էր հացի փռում», - գրել էր նա:



Էգը պետք է էգ լինի, որձը՝ որձ, էգն ու որձը խառնել եք իրար, էդպես չի կարելի. Վարդան Դուկասյանը՝ ԱԺ ամբիոնից տրանսգենդերի ելույթի մասին



«Ես ասեմ բոլորին՝ որպես Ճառուկյան, որպես ԲՀԿ դեկավար, որպես հայ ընտանիքի հայր, աղաթով, ավանդույթով, դաստիարակությամբ, հավատքով, եկեղեցիով, դա մեր համար անընդունելի է: Եվ ոնց որ միշտ եղել է, ասենք թե, դա արատ է, արատը ոնց որ եղել է միշտ քաջուն, պետք է քաջուն պահել: Մենք երբեք ու երբեք հնարավորություն չենք տալու, թույլ չենք տալու դա տարածվելու կամ օրինական ուժ ստանալու: Ոնց եղել ա օրենքը, որ մարդու իրավունքները բոլորն էլ իրավունք ունեն իրենց անձնական պահեն, մինչև այսօր ինչ ընդունվել ա», - այսօր ԱԺ-ում լրագրողների հետ զրույցում հայտարարեց ԲՀԿ առաջնորդ Գագիկ Ճառուկյանը՝ անդրադառնալով ԱԺ ամբիոնից տրանսգենդեր անձնավորության ելույթին:

Ըստ նրա՝ ԲՀԿ խմբակցության պատգամավոր, ԱԺ մարդու իրավունքների պաշտպանության հարցերի հանձնաժողովի նախագահ Նաիրա Չոիրաբյանն իրեն շատ ճիշտ է պահել.

«Այդ օրը օրակարգում այդպիսի հարց դրած չի եղել: Նա ուրիշ կերպ չէր կարող իրեն պահել, եթե պահեր, մեր կողքին չէր լինի»:



# RIGHT SIDE

HUMAN RIGHTS DEFENDER NGO

Պատրաստված է՝ «Իրավունքի կողմ»  
իրավապաշտպան ՀԿ-ի կողմից  
2020 թ-ին ©



RightSideNGO



[www.rightsidengo.com](http://www.rightsidengo.com)



@RightSideNGO



[rightsidengo@gmail.com](mailto:rightsidengo@gmail.com)



@RightSideNGO



RightSideNGO



+374 11 880 770